

Na osnovu člana 24. Zakona o državnoj službi u Federaciji Bosne i Hercegovine («Službene novine Federacije BiH», broj: 29/03, 23/04, 39/04, 54/04, 67/05, 8/06 i 4/12), a na zahtjev Federalne uprave za inspeksijske poslove, Agencija za državnu službu Federacije BiH, objavljuje

JAVNI KONKURS
za popunu radnih mjesta državnih službenika
u Federalnoj upravi za inspeksijske poslove

6 / 1153

- 01. Stručni savjetnik za kontrolu – 1(jedan)izvršilac**
02. Stručni saradnik za plansko – analitičke poslove – 1(jedan)izvršilac

01.Opis poslova: vrši provjere po zaprimljenim prijavama i predstavkama građana na rad uposlenika Uprave; vrši provjeranje navoda i prikupljanje činjenica i dokaza po podnesenim disciplinskim prijavama protiv državnih službenika i namještenika na zahtjev direktora Uprave i neposrednog rukovoditelja; vrši provjeravanje i prikupljanje činjenica i dokaza kod nastupanja materijalne štete u vršenju državne službe od strane državnih službenika i namještenika, te izvještava neposrednog rukovoditelja; vrši provjeranje i utvrđivanje činjeničnog stanja po zahtjevu direktora Uprave i neposrednog rukovoditelja u slučajevima kada postoje indicije ili saznanja o povredi službene dužnosti od strane državnog službenika ili namještenika; izvještava neposrednog rukovoditelja o rezultatima izvršenih provjera i utvrđenom činjeničnom stanju; izvještava neposrednog rukovoditelja o svim uočenim nepravilnostima i nezakonitostima uočenim u radu uposlenika Uprave; vrši kontrolu pravilnosti upotrebe službenih vozila kroz GPS sustav praćenja službenih vozila; vrši kontrolu prisutnosti uposlenika Uprave na poslu putem elektronskog sustava za praćenje prisustva na poslu; kontrola pravilnosti izvještaja o službenim putovanjima i realiziranja naloga za službena putovanja; vrši kontrolu primjene kancelarijskog poslovanja; vrši kontrolu pravilnosti primjene Zakona o inspekcijama F BiH i Zakona o upravnom postupku prilikom vršenja inspeksijskog nadzora i u upravnom postupku; vrši izradu mjesečnih izvještaja neposrednom rukovoditelju po organizacijskim jedinicama i uposlenicima o utvrđenim nepravilnostima; vrši praćenje ažurnosti vođenja evidencija koje se vode u Upravi; vrši i druge poslove iz nadležnosti organizacione jedinice po nalogu neposrednog rukovoditelja, koji se odnose na pitanja tog radnog mjesta.

Pripadajuća osnovna neto plaća 1.291,50 KM.

02.Opis poslova: vrši stručnu obradu pitanja koja služe za izradu objedinjenog jedinstvenog godišnjeg, poludodišnjeg i mjesečnog plana i programa inspeksijskog nadzora po inspektorima i za cijelu upravu, koje donosi direktor Uprave; prikuplja i obrađuje sugestije i primjedbe resornih ministarstava, kao i Vlade Federacije, u vezi sa planovima i programima inspeksijskog nadzora; priprema elemente godišnjih planova i programa za obučavanje i osposobljavanje inspektora, drugih državnih službenika i namještenika u vezi sa primjenom propisa iz oblasti inspeksijskog nadzora; vrši obradu

pitanja koja služe za izradu analiza, izvještaja, informacija i drugih stručnih i analitičkih materijala na osnovu odgovarajućih podataka dobivenih od strane glavnih inspektora o vršenju inspeksijskog nadzora, obučavanju i osposobljavanju inspektora, drugih državnih službenika i namještenika, kao i o primjeni informacionih tehnologija; prikuplja podatke za uspostavu, izradu, vođenje i održavanje evidencije u oblasti inspeksijskog nadzora, po subjektima nadzora i upravnim područjima inspeksijskog djelovanja; prikuplja, sistematizuje podatke i izrađuje elemente za pripremu godišnjih, tromjesečnih i mjesečnih planova nabavki roba i usluga, a na osnovu prijedloga rukovodilaca osnovnih jedinica; vrši i druge poslove koji mu odredi rukovodilac Sektora u odnosu na pitanja ovog radnog mjesta.

Pripadajuća osnovna neto plaća 1.165,50 KM.

Uslovi: Pored opštih uslova predviđenih članom 25. Zakona o državnoj službi u Federaciji Bosne i Hercegovine, kandidati trebaju ispunjavati i slijedeće posebne uslove utvrđene Pravilnikom o unutrašnjoj organizaciji i to:

Za poziciju: 01.

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja pravne ili upravne struke, fakultet političkih nauka ili ekonomski fakultet
- 3(tri) godine radnog staža u struci, nakon sticanja VSS
- poznavanje rada na računaru

Za poziciju: 02.

- VSS - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, ekonomski, saobraćajni ili fakultet političkih nauka
- 1(jedna) godina radnog staža u struci, nakon sticanja VSS
- poznavanje rada na računaru

Prijavljivanje na konkurs:

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme (original ili ovjerena kopija), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde, ili na web stranici Agencije www.adsfbih.gov.ba)
3. Kandidati za radno mjesto stručnog saradnik (pozicija: 02.), a koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
 - 1) fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 06.04.1992. godine), 2) dokaz da su zaposleni u organu državne službe kao namještenici i dokaz o pet godina radnog iskustva u organima državne službe

nakon položenog stručnog ispita za namještenike, izdati nakon objave javnog konkursa, 3) dokaz o položenom stručnom ispitu za namještenike

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji ne polože ispit općeg znanja ili pismeni dio stručnog ispita gube pravo na učešće u daljoj konkursnoj proceduri o čemu se, prilikom saopćavanja rezultata na ispitu općeg znanja pisano informišu, a nakon pismenog dijela stručnog ispita usmeno se informišu o postignutim rezultatima. Kandidati imaju pravo uvida u rezultate koje su postigli na ispitu.

Kandidati koji su uspješno položili stručni ispit (pismeni i intervju) a ne dostave Agenciji validne dokaze (original ili ovjerene kopije) o ispunjavanju posebnih uslova javnog konkursa, u roku od pet dana, od dana održavanja stručnog ispita odnosno usmenog obavještenja o rezultatima koje su postigli, neće biti uvršteni na Listu uspješnih kandidata. Agencija za državnu službu Federacije BiH, objavljuje rezultate stručnog ispita, na propisanom obrascu, na oglasnoj ploči Agencije.

Izabrani kandidat, koji u roku od sedam dana od dana prijema obavještenja o izboru, ne dostavi Agenciji za državnu službu Federacije BiH, validne dokaze (original ili ovjerene kopije) o ispunjavanju opštih uslova iz javnog konkursa, biće brisan sa Liste uspješnih kandidata.

Javni konkurs se provodi u skladu sa Uredbom o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine – prečišćeni tekst (“Službene novine Federacije BiH”, br. 10/18).

Prijavu, sa traženim dokumentima, treba dostaviti u roku od 15 dana od objave javnog konkursa u „Službenim novinama Federacije BiH”, putem pošte, preporučeno na adresu:

Agencija za državnu službu Federacije BiH
Odjeljenje Agencije za Kanton Sarajevo i Bosansko-podrinjski Kanton Goražde
Ul.Kulovića br.7
71000 Sarajevo
sa naznakom:

**“Javni konkurs za popunu radnih mjesta državnih službenika u Federalnoj upravi
za inspeksijske poslove”**

Nepotpune, neblagovremene i neuredne prijave odnosno prijave kandidata koji uz prijavni obrazac, ne dostavi traženu dokumentaciju kojom dokazuju ispunjavanje uslova iz tačke 2. i 3. ovog konkursa neće biti razmatrane.

V.D. DIREKTOR

Refik Begić, magistar uprave